

ORIENTERINGSNOTAT

Til: Alver formannskap – møte 24.03.2022

Frå: kommunedirektøren

Dato: 16.03.2022

Tema: Status breiband i Alver kommune

Oppsummering

- Alver kommune har ei pågåande utbyggingar og utlyst konkurranse på ny utbygging.
- Når desse er på plass, er dekningsgrad for **høghastighet** fiberbasert breiband på **over 95 %**.
- Det kjem tidvis nye meldingar frå våre innbyggjarar om manglande tilgang på breiband, og det er forventa behov for vidare utbygging med omfang omtrent som i 2021-2022

Breiband i Alver kommune

Utbyggingsprosjekta frå Radøy 2015, Meland 2015 og Lindås 2016 var stort sett slutførte innan samanslåinga til Alver. Breibanddekninga var begynt å bli akseptabel, men det var stor usikkerheit m.h.t. verknad av Telenor si sanering av kopartråden (xDSL-tilbodet). I praksis syner det seg no at dei fleste xDSL-kundane kan få tilbod om fiberbasert breiband grunna utbyggingane som alt er gjort.

Alver kommune overtok dei pågåande prosjekta i Meland og Lindås. I praksis var dette 2019-tildelinga med 325 bustader i Lindås kommune og 2017-tildelinga med 537 bustader på Holsnøy i Meland kommune. Begge har opplevd vesentlege forseinkingar – særleg på Holsnøy. Holsnøy-utbygginga er no fullført.

2019-tildelinga vart lyst av Vestland fylkeskommune ut og kontraktsfesta i Alver kommune 1. kvartal 2021. Arbeidet er starta opp. Og er forventa ferdig innan sommaren 2023.

37013 BREIBAND - Alver 2021

Holsnøy: Ryland-Fløksand-Skintveit, Åsebø,
Bjørndalsvatnet

Remme

Erstadjellet-Håland, Åse

Fiskeseth-Seimsvatnet

Eikangervåg

Svindalsvegen

Åsgård

Vikanes-Vetle Urdal, Dyrkolbotn (Inkl. Stussdal)

Sundsbo

Keilen

Spjotøy

Veråsvegen

SUM

Husstandar (ca.)

66

25

49

78

3

5

9

16

10

56

10

12

339

Alver 2021-2022

Alver kommune har i 2021 fått innvilga nytt tilskott på kr 685.000, som saman med eigenandel frå kommunen (40 % av totalsum) gjev ei samla anleggsbidrag på kr 1.185.000. Anbodskonkurranse er lyst ut av Vestland fylkeskommune, og kontraktar er venta signert av Alver kommune og leverandør rett over påske.

Anbodat femner berre 20 bustader og 5 verksemdar. Adressene er godt spreidd i kommunen. Felles for gjenståande utbygging er høg gjennomsnittskostnad.

Straks einingane i pågåande anbudskonkurranse får etablert tilstrekkeleg breibandstilbod, har Alver kommune 95 % - 98 % dekning av høghastigheit breiband (fiber). Det ikkje heilt presise anslaget er skylda usikkerheit m.o.t. verknad av xDSL-bortfallet, byggje- og flytteaktivitet i bustadmarknaden, m.m.

Alver 2022 - 2024

xDSL-tilbodat på kopartråd vil som kjent forsvinne i 2022. Det er framleis nokre etablerte bustader som ikkje har tilbodat om fiberbasert breiband, og Telenor vil her tilby radioløysing (4G). I praksis er det høgst varierende 4G-dekning i ulike område i kommunen. Ikkje alle adresser vil få eit tilstrekkeleg breibandstilbod sjølv om 4G-tilbodat sikrar telefoni.

Det blir (som normalt) bygd nye husvære på tomter i område der det kanskje ikkje er tilgjengeleg tilbodat om breiband. Desse vil gjerne forvente kommunalt initiativ til å få skaffa seg tilfredsstillande breibandstilbod.

Erfaringsvis vil våre innbyggjarar helst ha fiber, og Alver kommune vil nok møte forventningar om vidare utbyggingar i nokre år til. Sjølv om tal adresser ikkje er det største, er det som nemnt truleg dei med høg snittkostnad som står att eller kjem til.

Alle framtidige næringsareal og bustadfelt bør som eit minimum leggje til rette for distribusjon av fiber frå eit hensiktsmessig nodepunkt og ut til dei aktuelle bygningane.